

小謨觴館文集箋注



小謨鵬館文續集注卷二

李忠毅公誄

錢唐孫元培

長熙纂輯

上策

夫佻身飛鏃臨敵引義之謂忠受寄建旌以死勤事之謂毅是以膏塗氏斧悲殉令於孝侯篋尉元纒痛歸喪於國子若乃風船火艦方收橫海之功鯢渚鈔潯遽邁埋魂之變三翼競進一鼓前衰餘艘棄而滄溟翻河魁搖而大星落其有不哀逾田冢泣甚羊碑者乎今浙江提督西巖李公諱長庚字超人同安人也世守惇學長習奇胘辰精嶽秀之祥含精於天漢皎日大河之志勵銳於風雲始登翹關之科繼入期門之籍勾陳太乙肅象緯於周廬甘泉長楊奉清塵於罕畢乾隆四十一年出爲衢州都司迄

注一

一

今上初元累功至水師提督時則胡藍朱蓋鉏翦無遺綿蔓瘿楊奸慝不作惟茲鯤海越在偏隅地當甌駱之交夔有孫盧之孽鯨鯢揚誓以吐霧獬獬磨牙而食人矍矍聯窮髮之墟烽火照扶桑之岸公秉桴厲士受鉞行軍王濬本水中之龍高昂亦地上之虎星流霆擊嫖姚玉弮之弓電逝雲飛楊素黃龍之艦蹴之象嶼困之漁山窘之北汕覆之東涌身歷百戰俘馘數千公孫述

之帛蘭層樓灰滅侯子鑿之鳩舸百棹煙蕓蓋軸稽臚  
賀齊橫江之鬪水車拍舫世譜赤亭之捷撥糴刺蜚厥  
功偉焉其間遶迂盤錯經歷升沈幾垂回谿之翅再奮  
龍池之翼鬪令尹之紆難不恤毀家祖建威之著鞭自  
能募士用得遶國爪被水犀莫鯤身埽鯨室斬獲過當  
飛走將窮

天子嘉伏波下瀨之勞有珠劍龍環之賜策以後績  
厥殊勳公乃益勵鷹揚誓平豕突胡僧祐門開朱白不  
捷無歸劉季奴手折麾竿追奔弗顧以嘉慶十二年之  
冬躡賊蔡牽於黑水洋蛾徒悉殲鹿鋌無路公環甲親  
戰欲登其舟猝犯礮機薨於行陣嗚呼哀哉軍歌虞殲  
空歸襄老之尸身伏弓衣竟中呂錡之項蒼頭犀角奉  
哈毬而過還利觜鋸牙決置罟而遽去事聞

天子震悼追封壯烈伯諡忠毅廕其子入官頒東園之  
秘器卹羽林之孤兒慟輟綠沈之瓜悲題黃腸之漆禮  
也公拳猛沈毅武節剛方龍泉太阿是爲知己鏘筋競  
病亦解敦詩當其運智九天取決百勝何難禽渠瀛島  
懸首藁街而時命不猶雄圖沮屈上感推轂醮廟之寄  
下厓鼎沸魚爛之災進懷中山篋書之憂退有平平對  
簿之慮李都尉獨當冒頓將輒後期王君廓被遏茂功

憤常流血於是決命爭首絕慮無遷生死舟航寢食潮  
汐慕容西津之艇列仗而前康生中渚之刀依煙直進  
始圖掃籙之功終蹈裹尸之義宜乎寒風大樹哀騰七  
萃之軍薙唱蒿歌淚灑八閩之水矣禮曰賤不誅貴幼  
不誅長昔安仁之於馬敦延年之於陽瓚位託舊史於  
誅爲宜下士疏逃非僭則妄顧拜祁連之家同傷驃騎  
之亡聞隴上之吟各有陳安之弔非禮之禮不能無辭  
爰作誄曰

國輔明義將軍死綏桓桓穢穢今古同歸逝者長已魂  
兮可追百身莫贖含識知悲於鑠昌期塵清宇謐南辯

注一

三

東鞮堯雲舜曰戶革鴉音家無鶴膝韜千閣戈鋒投警  
歎蠢爾南邦重溟環外昇魴伏鱗東縈西帶湍峻渦盤  
竄息駝喙化爲豺狼甘人作膾來或颺迅去則烏飛鉤  
戟長鏃拋石弧錐越舶琛賚曰南象犀恣其橫噬喻彼  
封豨矯矯虎臣繫公是恃戎幕初張孤忠自矢誰呼癸  
庚以家財理誰病瘡痍以噢咻起孰云溟滓直戶庭視  
孰云熊羆乃腹心使勇各尋約爭無掬指屹然和門天  
南岳峙當時醜旅類非一族或號艇徒交州夷屬或爲  
劇盜澳嶼潛伏妖等白波兇逾青憤波跳脫牙風飽颿  
腹不畏天吳甯愁楊僕惟公奮節凜然枕戈率彼組練

鞭爾鼉鼉納刀於鞞沈璧於河聞鼓而已違知其佗海  
童馬銜鐵額銅頭如駟失羈如鷹脫鞬顏息志目叔孫  
椿喉望影怵惕聞聲遠投艇馘旣戡盜氛猶熾大壑鷗  
張洪瀾蟻萃更策橫衝躬揮精銳蠲首山臨蝦蟇雨墜  
要遮滄波搜牢澤藪虎落天羅宜左宜右鶻入鴉羣豆  
當牛口假息游魂輒跳而走大躡火鑑懋賞遐頒穹碑  
烝鼎豐功待刊露槩直進犄角靡援勇氣虓闕嘍嘍煩  
寃歲屆單闕日在婺女芒息櫜槍技窮爪距犁穴繫頸  
功成炊黍旻天不圖縱其旅拒長風巨浪駭石飛蟲鐵  
幕無障犀渠莫防中臣要害歸靈大荒全軍勞面呼晷

注一

四

雷碩嗚呼哀哉高牙大纛疇非折衝公獨身先被羽摧  
鋒詎希旂常詎慕侯封夙夜匪懈本於靖恭非無幕府  
簿書詰責非無章疏鈎考擿據恩全 九重望冠羣策  
鋒鏑雖罹穹蒼可格嗚呼哀哉典隆飾終榮錫珪符縣  
潘授邑涿聚存孤丹荔黃蕉青旒赤車生榮死哀公毋  
鬱紆峨峨蠻嶠滔滔澗濤英爽惚恍閃屍載遨倘駐雲  
車動其弓刀定殪羣醜紛如蝟毛漳江之濱侯賓之里  
崇祠綽楔奔走禮祀末學卑凡聞風仰止累德摠詞百

世以埃

顏延之陽給事諫而贖誓命沈城旆身飛鏃  
潘岳關中詩周殉節令身膏氏斧李善注周處

別傳氏賊齊萬年爲亂處仰天歎曰古者將受命鑿凶  
門以出蓋有進無退我爲大臣以身殉國不亦可乎遂

戰死按晉書處謚孝 饒燧元纒見左哀十一年傳  
陳信周大將軍吳明徹墓銘風船火艦周瑜有赤壁之  
兵蓋舳舻艦賀齊有橫江之戰 齊書張融傳海賦涼  
空澄遠增漢無陰照天容於鱗渚鏡河色於鈔潯 張  
協七命爾乃浮三翼戲中泚李善注越絕書伍子胥水  
戰兵法內經曰大翼一艘長十丈中翼一艘長九丈六  
尺小翼一艘長九丈 唐書選舉志置武舉有馬槍翹  
關負重身材之選 後漢書桓帝紀桂陽胡蓋朱蓋等  
復反 後漢書耿純傳時真定王劉揚復作讖記云赤  
九之後瘦楊爲主揚病瘦欲以惑衆與綿蔓賊交通  
王維出塞詩玉靶角弓珠勒馬漢家將賜霍票姚 隋  
書楊素傳居永安造大艦名曰五牙次曰黃龍 後漢  
書公孫述傳積糧漢中築宮南鄭又造十層赤樓帛蘭  
船 梁書王僧辯傳王師次于南洲賊帥侯子鑒等率  
步騎萬餘人於岸挑戰又以鵝舡千艘並載土兩邊悉  
入十掉去來趣襲捷過風電 陳書徐世譜傳善水戰  
從陸法和討侯景與景戰于赤亭湖其造樓船拍艦火  
船水車以益軍勢 荀子富國篇午其軍取其將若撥  
輿 戰國策必令其言若循環用兵如刺蜚注刺蜚言  
易也 鬪令尹見左莊三十年傳 晉書祖逖傳帝乃

注一

以逃爲奮威將軍豫州刺史給千人廩布三千匹不給  
鎧仗使自招募 墨子七患篇貪者國之寶也兵者國  
之爪也 南史羊侃傳以力竭魏帝嘗謂曰郎官謂卿  
爲虎試作虎狀侃因伏以手抉殿指管謂曰魏帝壯之賜以  
珠劍 南史韋叡傳賜以龍環御刀曰諸將有不用命  
者斬之 梁書胡僧祐傳侯景寇荆陝僧祐赴援將發  
謂其子曰汝可開兩門一門擬朱一門擬白吉則由朱  
門凶則由白門吾不捷不歸也 宋書武帝紀將戰公  
所執麾竿折折幡沈水眾怪懼公笑曰往年覆舟之戰  
幡竿亦折今者復然賊必破矣卽攻柵而進 虞賓見  
左哀十一年傳 襄老見左宣十一年傳 呂錡中頂  
伏發見左成十六年傳 漢書霍光傳東園溫明皆如  
乘輿制度服虔注東園處此器形如方漆桶開一面漆  
畫之以鏡置其中以懸屍上之斂并蓋之 漢書百官  
公卿表又取從軍死事之子孫養羽林官欽以五兵號  
曰羽林孤兒 南史任昉傳武帝問問方食西苑綠沈  
瓜投之於盤悲不自勝 黃陽見卷二注已注者例不  
再出餘同 顏延之陽給事誅拳猛沈毅溫敏肅良  
後漢書祭彤傳論武節剛方動用安重 齊書高帝紀  
前湘州刺史王蘊少有膽力每撫刀曰龍淵太阿汝知

我者 孫子軍形篇善守者藏于九地之下善攻者動于九天之上 史記甘茂傳魏文侯令樂羊將而攻中山三年拔之返而論功文侯示之謗書一篋樂羊再拜稽首曰此非臣之功也主君之力也 漢書李廣傳大將軍長史急責廣至幕府上簿廣曰諸校尉無罪乃我自失道今自上簿至幕府 唐書王君廓傳君廓往擊建德李勣遇之至發憤大呼鼻耳皆流血 李陵答蘇武書然猶扶乘創痛決命爭首 國語王孫雄曰彼近其國有遷我絕慮無遷 晉書慕容垂載記伐翟釗次於黎陽津諸將惡釗兵精咸諫不宜濟河垂笑曰豎子何能爲我今爲卿等殺之遂徙營就西津爲牛皮船百餘艘載疑兵列仗泝流而上 魏書奚康生傳從駕征鍾離駕旋濟淮蕭鸞遣將邀斷津路高祖敕曰能破中涓賊者以爲直閭將軍康生遂應募縛筏積柴因風放火燒其船艦依烟直進飛刀亂砍投河溺死者甚眾 漢書霍去病傳爲象象祁連山 楊子法言孝至篤蟻虎桓桓鷹隼殲殲 焦氏易林家給人足頌聲並作干戈鞞閣 齊書張融傳海賦伏鱗漬綵昇飭洗文 郭璞江賦長波泱泱峻湍崑崙盤渦谷轉凌濤山積 宋玉招魂此皆甘人歸來歸來恐自遺災些 尋約見左

注一

六

哀十一年傳 掬指見左宣十一年傳 舊唐書李光弼傳將戰謂左右曰戰危事光弼位爲三公不可死于賊手納短刀于靴中示決死之志 沈玉見左襄十一年傳 顏息見左定八年傳 搯喉見左文十一年傳 隋書禮儀志每一蟄韃中施弩牀牀枕陸插鋼錐皆長五寸謂之蝦鬚皆施機關 六韜設營壘則有天羅虎落行馬蒺藜 舊唐書竇建德傳先是有童謠曰豆入牛口勢不得久建德行至牛口渚果敗 後漢書岑彭傳裝直進樓船冒突露橈數千艘注並船名 後漢書來歙傳白書表曰臣夜人定後爲何人所賊傷中臣要害 涿聚見左

哀二十七年傳

四川布政使姚公誄

維嘉慶十有四年十一月日故四川布政使姚公卒於  
官越明年其孤椿榷奉匱歸葬肅徵鴻文昭紀前烈而  
以銘誄見屬於予予與其孤斷金之交不殊於天顯累  
德之義敢謝於述尊公諱令儀字一如婁縣人也葉陽  
息民代隆陰德伯審游學早負光名稟岳瀆之靈暉蘊  
風雲之璋智應機立斷于將荆鐘綜覈清裁利刃刈腐  
開達理幹基於少時逮登拔解之科首任典城之職滇  
越夷徼巴濮蠻陬攬轡升車忠睿傑立屬當氏羗不靖  
方召遄征西渡瀘河灑些之城百尺北控青海魚服之

注一

旅三千公采芑從戎蜚芻饋士冰立若阜鐵星之火不  
難鳥高於人明駝之目頻啄膺蕭何轉粟之寄矢王尊  
叱馭之心儲待無愆飽騰相慶遂得多羅函表檠木來  
庭幕府上功洵領華郡井絡天彭之野靈關玉壘之區  
魚文驥子填撫其豪強鐵冶鹽泉劑調其緝算苗民鳴  
義尚父鷹揚復奉簡書參其軍事惡溪水毒鳶翼墮而  
猶前墨雲瘴來盾鼻磨而弗顧疾癘纏骨筆翰如流喋  
血自甘銜膽益厲時則柱天都部威過龍驤騶卒廬兒  
恣成虎闕公繩以令甲折其姦猖金布旣申銀刀乃肅  
董宣直道縛湖陽之蒼頭翁歸公廉戢霍家之奴客以

今況古何多讓焉。媿徒既弭米賊旋燭韓千秋軍鋒之冠馮奉世爪牙之臣咸謂樽俎折衝非公莫可發蹤指示輒用諏詢公聚米之智規賊於掌中涌泉之謀決勝於槩下周旋侃嶠之際中陳廉藺之道殺敵爲果師克其殊勩十連重其方任威行露冕超總藩條天性彊力精於吏職不煩鈞距之施而庭無稽牒非假單複之術而獄鮮遁情楊震卻賂暮夜無欺許伯訟田輟耕相讓修渠宏鄭白之利餼粟踵罕樂之仁請雨捷乎廣微備火儕乎叔度萬端千緒心祿手規閑黍無時精神坐竭

注一

丹霄騁轡高春之景已斜赤霞吐誠傳薪之焰遽盡上雍州致仕之表進濮陽留務之章

天子眷賴方殷遐征未許暫俾休沐冀起沈綿公感深知力疾自奮高柔臥寢猶抱乎文書子囊遺言不忘乎社稷終以積勤奄見薨落烏虜哀哉公文武備具表裏融通始自長相至於牧伯虛懷趨士折節獎賢苞苴不入施予靡倦凡諸懿行史得詳書顧勒勳之制事歸於鼎鐘序悲之詞痛深於梁木含筆隕涕敬作誄曰

詩稱靡監易著匪躬開物成務移孝爲忠勸相無怠篤棐有恭鏘洋遺烈葩熾餘風命世興材昌辰誕德識宇

凝嚴靈襟峻嶷百里濯纓九遷搏翼膏雨歌郁涉川資  
夷岷峨西陲騫徠南土贊普心生形天千舞盤瓠矯虔  
瘦楊跋扈駱驛旄旗頻煩錡釜公以儒吏厯佐戎旃風  
車火微箐雨茅煙電掃書檄霆馳表箋猷敷上略機握  
中權公之幹局入麤入細公之謀謬九天九地霸上棘  
門股肱是寄寶叟青羌簞膠是庇幘瘖忘勞曉瘖靡計  
參芻消櫬夔巫廓翳師奏愷樂伯偃靈臺庸褒帷幄業  
讚雲雷八命作牧六條察材優賢揚厯黼黻昭回婁光  
殊勲載熙庶績卞厲含瓦陶勤運甕填厯簿領星流矢  
激戢香滯訟豪剖叅析惟公法學律稟皋蘇不漏吞舟

注一

三

不察淵魚道在平反非止煦濡

天語煌煌公遵弗渝惟公之名早徹

帝聽出車南仲班師去病敷宣允推聲聞隆盛欽矚有  
基嘉除不定公之疋羸衣不勝幹籌紆寸衷功強十萬  
心蕊形茹廢寢忘飯義感忠驅赴湯握炭神殫夙夜疚  
中膏盲柳莊疾亟燭武精亡藥裏在手判書在牀弗躬  
不信違敢不覆臣質凋華臣心集木雖疲百骸猶炯雙  
目鳳落麟傷鐘鳴漏促昌國云殂列邦同哭烏虜哀哉  
紆青拖紫接武聯鑣隨牒循資冠蟬珥貂公績獨異公  
級斯超爵乃無忝功非倖邀仕流多歧治理殊狀清靜

爲高風流相尙公獨精勤嚴懲瘵曠始自牽絲終於屬  
纘烏虜哀哉公階既崇公緣亦優矯廉弗飾任卹惟周  
蘭薰令問雪白清修桑無八百橘乏千頭公有佳兒賤  
子所畏昆莫鋒銛黃中德粹文聚玉海書細金匱不朽  
可期淹晚非累先哲有言匪爵而貴公澤彌長公靈足  
慰烏虜哀哉茸城機山體魄是憑蠶叢魚鳧精爽升騰  
僑終蹇謝市罷春停社立樂公祠陪李冰播之穹壤祭

於大恣用砥臣節于秋感興烏虜哀哉

陳書姚察傳察字伯審父知名

梁武代每得供賜皆回給察兄弟爲遊學之資察並用聚畜圖書陳琳荅東阿王牋君玉體高世之才秉青萍干將之器拂鐘無聲應機立斷後漢書范滂傳書佐李零曰范滂清裁猶以利刃齒腐朽魏書楊津傳

注一

於城中作地道置爐鑄鐵持以灌賊賊相語曰不畏利槊堅城惟畏楊公鐵星左思蜀都賦並乘驥子俱服魚文漢書尹翁歸傳爲獄小吏霍光秉政諸霍在下陽奴客持刀兵入市鬪鬪不能禁及翁歸爲市吏莫敢犯者史記南越王尉佗傳於是天子曰韓千秋雖無成功亦軍鋒之冠封其子延年爲成安侯漢書馮奉世傳居爪牙官前後十年爲折衝宿將功名次趙充國晉書王濬傳濬自以功大爲渾所抑每進見不勝忿憤范通曰卿功美矣然恨所以居美者未善也卿旋赫之口口不言平吳之事顏老之不伐龔遂之雅對何以過之藺生所以屈廉頗王渾能無愧乎吳志周勳傳勳表曰臣知無古人單復之術加卒恭大略公矜狼狽後漢書魯恭傳訟人許伯等爭田恭爲平理曲直皆退而自責輟畊相讓樂朋龜鳴陳景瑄太尉鐵券文論清政而水鏡無光吐赤誠而朝霞失色李商隱代僕射濮陽公遺表寒暑頓侵精神坐竭寵乏傳薪之火餘焰幾何隙無留影之駒殘光卽盡其行營三軍已舉牒差某官某河陽留務差某官某魏志高柔傳注柔旣處法平允又夙夜匪懈至擁膝抱文書而寢子囊見左襄十四年傳左思魏都賦優賢著於揚歷劉

淵林注尚書盤庚曰  
優賢揚歷歷試也

注  
一

五

陸母林太孺人誄

維嘉慶十有四年月日吾友常州陸君繼輅生母太孺人以疾終於里第寒泉堙流黝室改塋尺書來赴幾不勝喪烏虜哀哉夫萑蘭之質以經燔而倍芳蒿莪之悲以述德而彌摯不有紀讓曷彰修名太孺人姓林氏諱桂閩縣人也系出盛門幼丁孤露族有姑寡依以同居刈薪野中擊絮江上從夜績於同巷分餘明於鄰壁雖絡秀之賢族列於方雅而湛氏之賈史佚其淵源年十五歸於先丈補山先生是時方以翰林改官閩越迭尹赤邑表德百城會配莊夫人卒蒙楚興嗟泉邱乃聘太

注一

孺人簪蒿而至眼綦以前上承威姑下教家督歷襄凶嘉之儀獨綜陵雜之務內外斬斬執禮無違迨補山先生罷官里居獎接羣彥兆蓀所曾諧際者有若洪太史稚存孫觀察淵如趙司馬味辛餘尙多魁壘方聞之士咸以所業來質太孺人手潔供具精畧酒漿樂飲極歡率過所望無何先生奄捐館舍茹荼庀事儲淚撫孤論者謂先生曾記名知府欲以四品服歛或以長君方擢知州可從五品太孺人以爲僭定從七品諡宜爲惠足光柳下之賢衾不容斜善承黔婁之志達識守禮同符古人矣當繼輅之始入塾也受孝經論語太孺人曰若

知孰此何爲邪將使若爲人如書所云也稍長輒舉先  
丈所治疑獄命繼輅以意斷之不如法乃以所判告周  
官之業預受於宣文陳力之風稔聞於班媛詩曰君子  
有穀貽厥孫子又曰彼姝者子何以告之斯之謂已時  
則廉吏之後室無贏金通德之門巷多車轍珩璜瑇瑁  
之儀捆紵均軸之訓或剉薦以給客或闔門而傳言閭  
範臭瞻哲嗣騰茂繼輅始列學校洎登賢書光譽孚於  
勝流文采耀於門業羣公庶士牽拂相招太孺人念其  
負米之誠教以測文之道斯言之玷凜戒於白圭責人  
無難尙詢於黃髮屬年開七十海內賢士大夫舉以文

注二

辭爲壽常熟女士歸懋儀詩云列鼎而食不如一饘非  
母矯情慮有盜泉太孺人獨心憲之卽其志行可知矣  
平居以厚處眾以儉奉身樵蘇常乏必謹筐篚之來穢  
珥不存用周戚鄧之急年七十有五遭疾遽終嗚呼哀  
哉當其瀰留神觀激激謂繼輅曰吾來汝家六十年於  
茲汝父廉平後當食報吾聞爲善非以求福然爲善求  
福不猶愈於爲惡邪施予不當望報然施予望報不猶  
愈於鄙吝耶汝曹識之庶免浮薄之行乎清芬垂訓足  
補鑿楹之書名言不刊長流燁管之烈兆蓀與繼輅交  
忝撫塵誼敦拜母誅長之僭所不敢辭乃作誄曰

聖哲演教篇曰女師旣昭婦則兼擅母儀穹窿高門婉  
婉淑姬肅肅宵征實主中閨無諸之郡典城之長懸魚  
同貧酌泉分爽一官升沈萬里莽蒼持身持家以字以  
養曰有大事春秋窀穸曰有大禮儷皮束帛送往事居  
心祿手畫洪纖畢宜上下咸懌懇懇英髦踰踰閭左聯  
櫛倚裳合尊促坐整飭中厨肆陳瓜果咄嗟心勞精辦  
力瘁猗彼賢妣嘉允篤生出就外傳辨志離經歸投母  
懷啾啾誦聲春晝五餐宵分一鐙謂兒讀書不在章句  
謂兒立身先端志趣戒兒毋佻作色以怖誘兒克勤溫  
顏以煦異時學成有體有用孝秀旣升天門待狝所慮

注一

三

才高或不諧眾汎愛親仁危詞悚動食貧待養不免服  
勞豈况縞紵有諸賢豪母獨兢兢訓之持操甯潔而飢  
毋羶而饜動規往古篋有陳編衣必三澣施無新懸四  
壁風蕭凝神湛然繁霜降節貞粧益堅婦稚嬰媿執篋  
執詔羣從喧豷或吳或菽片言成箴微詞釋躁一笑寥  
寥家人走告境約心廣拯阨賙羸任恤之義同危共安  
雖不以聞我力必殫或有不逮爲之減餐坤爲吝嗇母  
乃慨慷兌爲和悅母乃矜莊勁心後凋美延降康白髮  
盈顛斑衣滿堂世有姬姜委佗象服世有媼媪麋壽通  
象浮榮可同性分所獨何怪歸魂萬淚棲目嗚呼哀哉

體魄雖逝高風不積流川惠問聳漢音徽棘心損疚風

樹紆悲度葆初訓靈兮儻來

宋嚴氏榮詩輯葛生蒙楚此悼亡詩

韓愈曹成王

碑持官持身內外斬斬劉向列女傳柳下旣死門人

將誄之妻曰將誄夫子之德耶則二三子不如妾知之

也乃誄曰夫子之謚宜爲惠兮門人莫能竄一字

列女傳黔婁先生死覆以布被手足不盡斂曾子曰斜引

其被則斂矣妻曰斜而有餘不如正而不足也

列女傳文伯相魯敬姜謂之曰吾語汝治國之要盡在經矣

出入不絕者捆也捆可以爲大行人推而往引而來者

綜也綜可以爲開內之師主多少之數者均也均可以

爲內史服重任行遠道正直而固者軸也軸可以爲相

仲尼曰詩曰君子有穀貽厥孫子此之謂也

世說盧郡范達投侃宿僕馬甚多侃母湛氏劉諸薦以爲馬草

劉向列女傳康子嘗至敬姜闔門而與之言皆不踰

闕

列女傳君子謂孟母善以漸化

詩云彼姝者子何以予之此之謂也

文學姚君妻何氏誄

年月日吾友婁縣姚君建木厝其妻何孺人於紀家韓  
祖塋之內舍以其兄春木所撰權厝銘示予而請爲之  
誄予於君兄弟石交素聯坤德允悉內壙之文所不獲  
辭孺人姓何氏上虞人也誕澄粹之華宗稟淳懿之剛  
節齟齬慧照動與禮遊弱笄溫恭靜以義立旁涉書傳  
雅好春秋賁道之稱待年已著父通判君與今方伯姚  
丈同官蜀中旣聯組纓遂締禽幣文伯卜室賦綠衣之  
三章臨城納媼審外宗之七德妙簡貞閑足爲佳對焉  
當建木之迎婚於楚也時通判君移攝鄆縣以事被彈

注一

秣馬之禮初修宜狂之歌忽作孺人遠辭阿傅遠奉清  
塵父羈屑於三湘母分張於越迢迢閭闔屈壯志於  
緹縈篔簹竹竿軫悲腸於衛女含辛御輪之夕制淚施  
衿之辰蓋窈窕之情旣傷沈頓之疴由作矣逮乎執笄  
奠席鳴環侍寢柔聲怡色上悅乎眉黎明識惠心下孚  
乎臧獲助德理內允協福原而元穹靡枕美疾加劇營  
陵之術莫蘇久銷之魂聚窟之香難迴積損之幹卒年  
十九嗚呼哀哉建木雨絕之痛旣深薜英之思無已追  
懷馨烈緬溯徽華鳴雞問疾之恩相鼠諫夫之義言猶  
在耳感不去心徵文抒哀銘旂表德來芳可述誄之云

爾

性芬揚蘭德穎振玉吁嗟之子行劭年促越溪稚質宋  
子河魴婉情同春明景皎霜阿錫妝嚴紘縵藝綜馮嫫  
史書惠班賦頌教成而祭宗室羞蘋女子有行難辭遠  
親吉儀方肇家艱云遘宿沛神摧陟阿心疚褫帶就測  
南瞻楚邦錢唐曹娥東望兩江叢花障扇雜佩含風組  
舞驂駢窳窳房櫳桃李盛年苞栩至性涕擊沾衣蛾修  
鎖鏡嗟脆質之易凋兮况煩冤之鬱抱觸炎風而涉川  
兮蘊悲情而見廟相夫猶勤慰姑仍笑免薨飭厨綸繩  
佐鈞之子體瘳問之輒諱君子遘疾忘身以衛景晡晡

注一

其欲匿兮帷淒淒而動風羌殫磔而將逝兮猶髮鬢之  
修容孚瑜華收衣篝香爇信百憂之傷人兮何華齡之  
可假嗚呼哀哉高堂擗標兮婢媪拊膺潛隧旣敞兮掩  
彩重扃繫淑慎之善懷兮家孰內而孰外或言告而言  
歸兮固殊分而同愛彼思親而危身兮豈孝思之能置  
嗟蒼昊之寂寥兮何與善之茫昧嗚呼哀哉玉寒泉薶  
隴幽光映柔顏矚目規詞留聽華落英存馨流問令眇

四節其代序兮託神衿於遺詠

國語公父文伯之母欲  
室文伯饗其宗老而爲

賦綠衣之三章

梁書徐摛傳臨城公納夫人王氏卽

太宗姑之姪女晉宋以來初婚三日婦見舅姑輩賓皆  
列觀太宗問摛摛云婦是外宗未審爛令所以停坐三  
朝觀其七德  
北史高允傳古之婚者皆采德義之門

妙簡貞閑 晉書簡文宣鄭太后傳帝謂劉隗曰鄭氏  
二妹卿可爲求佳對 史記漢文帝紀齊太倉令淳于  
公有罪當刑其少女緹縈隨其父至長安上書願沒入  
爲官婢贖父刑罪天子憐悲其意下詔除肉刑 白虎  
通諫諍篇詩云相鼠有禮  
人而無禮此妻諫夫之詩

注一

三

節孝張孺人誄

孺人姓張氏居吾州之西城曾祖來吉武舉人官泗州  
衛守備祖淵武進士候推守備父燾例貢生孺人年二  
十五歸於州處士王君之經王君出爲其世父後結褵  
二年而亡孺人事嗣姑乃本生翁姑以孝聞無子以從  
子士麟爲後教養成立今嘉慶十有七年冬孺人以疾  
終年七十有七計守節五十餘年明景朗操里黨欽歎  
平居訓子以義持身以儉好讀書尤熟史事尙論忠孝  
激越奮發如烈丈夫著有椒亭詩一卷士麟以狀來屬  
銘於子以爲嬪則以待旌門誼不當卻爰作誄曰

注一

一

風詩共姜春秋紀姬宣聖特筆日星昭垂二百冊載逸  
勳等夷恒貞經訓高蹤允稀辰彼女師清河之媛嬪於  
太原門高士彥職謹滌帟養勤視養絞訐聲無愉柔色  
善弋鳧贈佩侍櫛鳴絃馨質服茵令儀采繁所恃奄殂  
壘戶述艱志守陶嬰賢追義桓呱呱在懷斃子留影雨  
晦夜漫霜嚴目炯送往撫遺育生安冥祖莫遣車規畫  
井井姜教庀業班訓遵衢女乃士行文而又儒紡軒篋  
火授簡陳書機聲讀聲風淒一廬勤勞弗辭搢搨自力  
謂當貧辛敢畜臧獲祛卻華鮮鍼紉綻裂中饋漿醅宵  
閨刀尺田僅廿畝納種必勤書誦百卷邪詞必焚馬班

事貫屈宋香薰抵掌盱衡千秋正人嗚呼哀哉徽蠟丕  
彰積齡難駐竹筠松心式瞻行路節惠抒詞煒形永譽  
綽楔標楣蘭芬苙布

注一

一一



蔣竹雅妻陳氏誄

孺人姓陳氏諱芳雲元和人永齋觀察之季女也毓粹  
洪族含芬幼歲生具端範斥華丹之塗性爛雍和絕差  
許之事長歸同里蔣君春藹上怡尊章中協先後旁模  
族鄧下孚儷服樂彼慶善風規穆宣賦質素晚諸自強  
力二女甫孩益瘁鞠育年月日歸甯母氏感疾遽終年  
二十有八奄厄之辰姑適疴作哽戀仰系不去於懷婦  
貞恒德女有士行不以才著而言才者莫尙焉蔣君爲  
余外舅時菴先生族子孺人同懷兄兆賢又嘗從學於  
子書來請銘因不獲辭誄曰

注一

一

攸遂易規無儀詩儼人飾其容黻飾其性月望占厲休  
蠶您正斧之藻之克柔克令展如碩媛高閔祕儀浚源  
琰潔馨度蘭猗納順待年中防自持有賈其實華德兼  
斯衣被纁神禮交沃盥執棗西階升豚側胖施表承尊  
熬贗謹襲同聲瑟調戒夜星爛愼爾出話金玉其音密  
緞正直塞瘞洲深語屏伎忒功劬組紆外莊樸獲內映  
明心矯弱而恭返多以約璣珥華蠲袿裳鮮卻稚介羣  
諸嫵妯允若翼翼矜矜式彼佻薄惇賈恬篤宜基壽康  
司化莫晰匪祥而殃瘡療瘳瘳虺殲元黃瓊田乏草西  
域無香嗚呼哀哉堂北酸銜榮南悲觸斷手足嗟扶牀

女哭侶坼鵝枝愁撐魚目髮札書徽川流遺馥

張華女史箴人

咸知飾其容而莫知飾其性性之不飾或愆禮正斧之  
漢之克念作聖陶宗儀古刻叢鈔宋張氏墓志遠葉  
蘭飛浚源琬潔詩有蕢其實毛傳蕢實貌非但有華  
色又有婦德又其心塞淵毛傳塞塞淵深也又綢直如  
髮鄭鄭箋其性情密緻操行正直如髮之本末無  
隆殺也惇宣怙篤瘡瘵瘵瘡俱見爾雅釋詁

注一

二

汪孝婦哀詞

長洲孝婦吳氏嬪於汪居蕭家巷年二十卽隕所天貧  
無宿糧息止弱女皤皤尊章癯老且病婦代子職躬服  
其勞素嫻詩書開塾講授藉脯脰以給養供菽水而靡  
缺鄉黨翕然推其高行嘉慶十二年十二月十八夜比  
鄰不戒於火融風旣熾將燬及廬翁挈女孫先走出戶  
婦旣翼翁以免姑抱病疾猶寢於牀婦復入屋背負姑  
出煙焰旣合鬱攸從之遂并其身殲焉質明火熄行火  
所燼焦爛之中肢體宛若共見婦手抱姑不釋彼以義  
忘其軀天以死成其烈萬眾感悼填衢溢郭邑中人士  
將白當事邀褒錫之典廣徵詩歌道揚奇節圓顱方趾  
疇能不悲敬述厓略而系以哀詞曰

注二

一

抗古今而衡節兮疇璧碎而瓦全有冒刃而懂免兮有  
拯危而體捐揚烈芬於委灰兮發繁音於絕絃彼君親  
赴難其一致兮初何計乎探湯而蹈淵翳婉婉之淑靈  
兮傀形單而寤標瘁形神而頤翁姥兮旣餐荼之莫告  
胡滌膾視膳之尙不獲遂其常兮又昊天之不弔儻諱  
諱出出之告災兮馘天跳而地踔飛燖燖煜而紛屬兮  
各走覓乎逃門幸一老之先身突兮念威姑之待援奮  
輕軀以排闥兮承龍鐘以背肩電光礮礮迅其四合兮

束身手而同燔茹煩寃於哀燼兮魂應叫乎九閭睠庶  
女之訴哀兮天猶爲之隕霜何匹婦之精誠兮不爲反  
風於撞墻或炎官熱屬之實陰相兮俾身殉而名彰帝  
閭陵兢其不可叩兮淚流稔以浪浪昔上虞之救盱兮  
投江濤而必果厲猛志以借亡兮視頂踵猶塵埋一父  
而一姑兮一水而一火合千載如符節兮夫奚分乎彼  
我痛齊民之溥媮兮孰姬姜而至性子穰耨有德色兮  
何惑乎婦安常而掉馨彼箴管織纊之猶有私兮况髮  
膚與身命苟聞風而悉興起兮又何難巾幗而獨行循  
燒垣以周視兮痛煨燼與燂炮猗一抔之焦土兮行緯

注二

楔之高標定孝竹之生其墟兮兀冬春而不凋歷萬齡

而聳幹兮障炎颺於太霄韓愈陸渾山火詩天跳地踔  
顛乾坤又燂魚煨燼孰飛奔

又炎官燕  
屬朱冠禱

其高標定孝竹之生其墟兮兀冬春而不凋歷萬齡  
而聳幹兮障炎颺於太霄韓愈陸渾山火詩天跳地踔  
顛乾坤又燂魚煨燼孰飛奔

丁奕墅哀詞

君諱昌瑞字奕墅子兄之子壻也子襄精敏弱慕儒宗  
孝公貪書長嫻經術自隸博士益勤修業僻處鄉曲罕  
接勝流並時經生據華忘實君獨嗜古碑精振奇聞有  
良書飢渴購讀羣經故訓諸史軌範文章流別百氏塗  
軫環絡窺研略皆淹貫卽其經藝已足冠時重親在堂  
有藉祿養屢充秋賦奇隻不偶侘僚沈屯積成銷鑠啗  
血而終怛化之時眷戀遺籍湛深溺苦標尙可知電碎  
霜凋室眺衢歎予忝戚黨且符志趣搯腕悲悼尤倍恒  
情撒涕濡豪爲之哀詞曰

注一

一

猗翩鸞之下儀兮羗有叱而有翔彼旃檀之醇醅兮乃  
或沈而或揚緬元造多舛迕兮視我辰之所當儻蘭蕙  
而芝焚兮淚沾膺而淋浪眾鱗集而龙聒兮競制舉之  
邁驚甘齷齪而飢餓兮踟壽陵之故步卓子志之英絕  
兮投高軌而遐赴振孤蓬於羣麻兮寶雖彝而斥瓠稽  
成博之古諸兮騁連犴於學林軸充箱而照軫兮寢饋  
衰而浸淫爛崑圃之夜光兮探驪淵之千尋割膏腴而  
入韞兮中莖韶而奏音嗟純鉤如列星兮世何人其薛  
燭繫馭裹以服襄兮痛明珠之彈肉玃椽樂而婁頓兮  
韜鼉采於和璞俄修夜之不暘兮萌咎徵於買鵬當廢

牀而去瑟兮猶縹緲之繫情傷析薪之乏荷兮夫誰發乎晏楹念奇意之弗終鬱兮或曠雲而霄征將儕眞靈

而賦新宮兮招君魂於紫庭

漢書儒林傳丁寬字子襄讀易精敏孝公已見卷

二注例不復出

劉令嫻悼外徐俳文電碎春紅霜凋夏綠

死日叱 莊子秋水篇子不聞壽陵餘子之學行于邯鄲

明 穠政乎陛級畢疏辨乎方色成博受乎古諸隕菴錄

薛燭觀其鈺爛如列星之行

注一

二

洪北江先生畫贊并序

夫元精耿貫故緹油之業彰焉光岳孕正斯琨玉之操  
勵焉是以勁節峻峙多兼閎達之學鉅儒魁壘必裕骨  
鯁之氣然非邁際軒姚蓋容天地盛陵媿邁扈之治豐  
刻几勒虞之規宇宙爲心山淵恢度則秋霜懷皓與明  
月而同碎崇蘭郁烈入委灰而不芳又何論乎曾史碩  
德游夏文藝鼓鐘寰囷茵藹竹帛也哉先生姓洪氏諱  
亮吉字稚存陽湖人也幼挺涓至早標峯崖九齡而孤  
侍母浮寄仇氏嚴擁楹之訓子與軫搯臂之感幅將畫  
正沃湔其教星奔雨泣幾隕其生固已絕跡高軌天懷  
發中摯性越於皋魚巨孝稱乎江革矣學成道通洞經  
綜史析蒼法之隱曖究聖壺之阻奧邱董萬古裁制於  
清衷乾坤兩戒牢籠乎指掌讓著蠹出富於懸巖之積  
纓褐蹠仰過於北面之宗旣乃去卑渫翔閭衢待詔金  
馬通議白虎珥彤紉書校理窮匱室之祕握籟遜士道  
術被參井之區循其階資糗以年歲榮牒顯級翹足可  
須而先生以爲行義者前哲之上務文章者報國之餘  
事思竭謇諤之忱用裨塞晏之化翼值

注一

天子席羅嗣構闢續納言復旦方歌刑干猶舞濟師者  
遲撥豐刺蜚之績聞捷者厖虛晶繆彰之慮感發蒿日

誠切披肝又以執白簡而抔事同出位伏青蒲而諍職  
異南司爰迺騰書鈞衡冀達黼展亢激既過狂戇遂忘  
勳華幾勅忽陳弼違之詞廣颺運隆遽有宮鄰之戒僉  
謂罪儕誣罔分合灰釘先生亦負鑽煎膏靜待嚴讞風  
神元定處之彌泰卽其志膽固冰顧鼎鑊矣伏遇

聖主大德容下暢咳泝挺曠蕩推恩昊粹宏量恐杜獻  
替之路并寬左校之輸宥以遠方曲加含貸於是夸父  
禺彊之域梯棧前蹤革抉咬芻之儔札耕就列濯靈襟  
於伊麗之海聳壯矚於祁連之山將謂老烏孫之庭絕  
玉關之入淪浹荷戴已足平生而

注一

二

當宁寤寐嘉猷延佇忠實屬有桑林之禱載懷衢室之  
問念汲黯妄發義歸愛君任座抗行益彰主美隨沛雞  
竿之赦俾免馬角之戚尺一初頒寸霖驟霽叩心非鄒  
衍故繁霜不飛雪冤異東海而旱魃立解因復潢緝諫  
牘儷諸巾机之銘覽思苦言更廣旌鼓之設汪汪乎蓋  
緝萬嗣揚洪徽扇懿鑠已昔崆峒順風之請華封乘雲  
之拜咸稟叡哲采言芻輿贏劉以降亦聞側席引裾折  
檻前規可臚然未有跡涉詆譎論非封事不辟丹墀之  
戟逆過批鱗如題朱雀之門咎踰齒馬而能受同藥石  
佩比韋絃藪納川容嘔持嫗掩彼晉武宏裕弗貽劉毅

之誅漢祖深仁無恚周昌之直以視今日何足萬一相  
方哉然則先生節概古人有之先生遭逢古人未覩也  
烏序偉矣既歸家術字曰更生百軸千函定藏山之裘  
春林秋澗和擊轅之歌勝流奉爲嵩衡溥海瞻爲模楷  
兆蓀較晚捧手忝預攬環聆卷霧之飛談挹籠霄之勝  
氣審司農之卷誦覽八千見扶風之堂門徒四百梁摧  
奄及曾不憊遺先生長君飴孫榮郁繼聲後先濟美劄  
石揚善碑誄林立復出遺像徵及鄙文夫樂陵曼倩孝  
若興異代之思東府希馮子淵有古賢之頌况於承接  
音塵周旋喬梓昭銘景行敢謝拙詞因作贊曰

注一

三

不朽有三德言卓爍摺拄彝常淹貫邱索延陵雄腴川  
壤磅礴資淑蘊英先生爰作孤露遇屯煦濡母令翦髻  
書陳鳴機鐙映誠動噬指毀鄰滅性儀型參騫方軌薛  
孟電飛景拔移孝成忠豕涉學覈駮原選公意雄履虎  
地隔乘驄猥以詞臣蹇抒匪躬鮑恢抗直鴉觚貞讜史  
效獻規免甯觸網瓦石獨含樞梗孤往命輕鴻毛義貴  
熊掌優絲亭育靈囊大包苛除燒解虔鞏謙勞虛左謗  
木高懸戒鞞薄譴逆釋渥澤醲膏坎穴化夷焦原坦步  
隼逝颺迴繩行沙度亮跡遐欽傳書滂布典語法言玉  
椽繁露東觀接武守缺保殘疇宏述作摭逸窺刊呶訾

塞默醕漓樸刈疇樹風檢吐赤傾丹昌辰辛丁馨烈遙

駛永世作程穀詒綿祉貌留丹青名炳圖史隙駟雖徂

聞風庶起隋書音樂志道周經緯功格元祇方軒邁扈

比舜陵媿 鬻子上禹政篇昔大禹以五聲

聽治為銘於筍簋曰敘寡人以道者擊鼓教寡人以義

者擊鐘教寡人以事者振鐸語寡人以憂者擊磬語寡

人以獄者揮鞀也 齊書高帝紀贊同度字宙合量山

淵 任昉王文憲集序汝郁之功挺淳至黃琬之早標

聰察曾何足尚 司馬兩墓志銘神峰魁崖機悟卓絕

集韻仇止兩反孟母仇氏 劉向列女傳孟子閒居

擁楹而歎孟母曰擁楹而歎何也孟子曰道不用於齊

願行而母老是以憂也孟母曰夫死則從子禮也子行

乎子義吾行乎吾禮 王充論衡曾子出薪于野有客

至曾母即以右手盥其左臂曾子左臂立痛即馳至

列女傳敬姜曰夫福者所以正曲枉也不可不彊故幅

可以為將畫者所以均不均服不服也故畫可以為正

鄺道元水經注河北有層山懸巖之中有石室室中

若有積卷世土罕有津逮者謂之積書巖 魯相韓叡

造孔廟禮器碑曰天王以下至于初學莫不馳思歎叩

師鏡 潘岳關中詩虛鼎滴德謬彰甲吉李善注浦甲

二羌號德吉其名也言虛明詠二羌之功 張衡東都

賦始于宮鄰卒于金虎李善注言小人在位非周相進

注一

四

與君為鄰貪求之德堅若金讒誘之言惡若虎也 袁

宏三國名臣序贊神情元定處之彌泰 後漢書李膺

傳反坐輪作左校 呂氏春秋求人篇犬戎之國夸父

之野禹疆之所積水積石之山 戰國策甲盾鞮蓋鐵

幕革抉跋芮無不畢具注以革為射決咬與敵同謂楯

也芮謂繫楯之紛綬 戰國策王身自削甲札妻自組

甲緝 管子桓公問堯有衛室之問者下聽于人也

孔融薦禰衡表任座抗行史魚厲節殆無以過也李善

注呂氏春秋魏文侯問諸大夫寡人何如主任座曰君

不肖君也翟璜曰君賢君也臣聞其主賢者其臣直是

以知君之賢也 江淹詣建平王上書昔者賤臣叩心

飛霜擊于燕惠王惠王信讒而繫之鄒衍仰天而哭正夏

天為降霜 漢書于定國傳大守論殺孝婦郡中枯旱

三年後太守自祭孝婦冢表其墓天立大雨 路史疏

佗紀黃帝有中札銘 管子桓公問舜有告善之旌再

立諫鼓于朝 班固典引將緝萬嗣揚洪禪奮炎景  
王融永明九年策秀才文是以嵒峒有順風之請華封  
致乘雲之拜 漢書東方朔傳是時朔陸戰殿下辟戟  
而前曰董偃有斬罪三安得入乎 淮南子倏眞訓積  
惠重厚累愛襲恩以聲華嘔苻嫗掩萬民百姓使知之  
訥詎然人樂其性者仁也 晉書劉毅傳帝問卿以朕  
方漢何帝毅曰可方桓靈帝大笑曰桓靈之世不聞此  
言今有直臣敢不同也 史記周昌傳昌嘗燕時入奏  
事高帝方擁戚姬昌還走高帝遂得騎周昌頂問曰我  
何如主也昌仰曰陛下卽桀紂之主也於是上笑之  
晉書劉惔韓伯傳論勝氣籠霄清談卷霧 後漢書鄭  
康成傳事扶風馬融融門徒四百餘人 夏侯湛東方  
朔畫贊魏建安中分厭次以爲樂陵郡故又爲郡人焉  
後漢書周磐傳蔡順少孤養母嘗出求薪有客卒至  
母乃噬其指順卽心動馳歸 後漢書鮑永傳乃辟扶  
風鮑恢爲都官從事恢亦抗直不避彊禦 晉書傅元  
傳元等建封鶉觚男貲曰鶉觚貞諒實惟朝望 太元  
經次五靈囊大包其德珍黃注五居尊位包有四方如  
有囊之所裹括也 漢書龍鐻傳陛下配天象地覆露  
萬民除苛解嬖寬大愛人注嬖煩擾也音如紹反 後

注一

五

漢書班固傳典引乃始虔蠶謙勞兢  
兢業業注虔鞏固也言帝固爲勞謙

黃忠節公書贊并序

嘉慶昭陽作噩之歲涂月嘉定盛明經薰以其鄉先生  
黃忠節公所臨干祿字書勒石拓示勁骨端嚴毅力蟠  
鬱楷模魯公蓋由貞軌亮跡神明相契非在點畫波磔  
間矣兆蓀近公之居誦公之書比復見公所著日記悉  
公研幾克己之密淵入聖域精兼梵修此中湛然同符  
大化其碩學偉詞成仁授命特性分發見之一端耳展  
諦翠墨如接光靈再拜聳敬而爲贊曰

虹光燭霄正氣出指盈牘鋒稜千尋壁峙公文彪炳公  
節雷稟存養有本心源微茫大輪小乘旁研洞鏡歸諸

注一

孔顏窮理盡性無入不得隨變所遭鋸鑊飽視靈臺弗

搖巍峩嚶址珍爍遺翰亘歲綿齡星芒雲爛

釋皎然達  
摩法門義

贊我師西來傳平真訣  
大輪當路小乘亡轍

公之學也曰之密淵入聖域精兼梵修此中湛然同符  
間矣兆蓀近公之居誦公之書比復見公所著日記悉  
公研幾克己之密淵入聖域精兼梵修此中湛然同符

黃忠節公書贊并序  
嘉慶昭陽作噩之歲涂月嘉定盛明經薰以其鄉先生  
黃忠節公所臨干祿字書勒石拓示勁骨端嚴毅力蟠  
鬱楷模魯公蓋由貞軌亮跡神明相契非在點畫波磔  
間矣兆蓀近公之居誦公之書比復見公所著日記悉  
公研幾克己之密淵入聖域精兼梵修此中湛然同符  
大化其碩學偉詞成仁授命特性分發見之一端耳展  
諦翠墨如接光靈再拜聳敬而爲贊曰  
虹光燭霄正氣出指盈牘鋒稜千尋壁峙公文彪炳公  
節雷稟存養有本心源微茫大輪小乘旁研洞鏡歸諸

鮑貞女壙銘

鮑貞女者固始人也自其亂歲許字董氏值歲大祲鬻  
身爲傭墨車無堂著之俟谷雍有仳偻之歎流轉遷徒  
入於吳門沈觀察家觀察時牧許州俾厠臧獲精慧趨  
事潔白範身馴至弱笄將謀擇對女乃長跼涕泣自陳  
衿纓之繫屬當年有夫禽幣之委輸今日無二主雖有  
命弗敢以從曲喻再三瀝血自誓觀察高其義憫其情  
於是出零丁之帖爲求故雄占遲歸之爻以蘄終吉既  
而耗問沈寂存沒間阻女遂矢志秉節以終內存匪石  
之固外絕白圭之玷酒漿醯醢勤職於暉胞芳澤璣珥

注一

一

不關於念慮冰潔霜整歷冊餘年觀察第五子中立子  
妹聳也既傾乾蔭家落屢空女依以居忠謹奉役餐茶  
董而無悔葆松筠而益堅姻黨傾風扈養起敬行年五  
十抱疾長畢夫頌陶嬰之操猶屬旣昏傳伯姬之貞蓋  
由貴胄女以庶賤生長草萊目不覩詩書耳不知今古  
師心率已蹈德成仁豈非稟懿三靈天知自致者歟中  
立既經其喪復爲卜兆於某原屬志幽宮以彰朗節夫  
西道縣治之里曾表龍憐東京墓闕之文亦傳羅鳳變  
禮合義於法宜銘辭曰

猗淑質生貧辛璧蠲潔蘭馥芬丁游饑失所天役笄帚

屏羅紈志守一安瓿單聞媒妁哀泗潛四十載持身全

睽春花落無言懷正氣罹膏肓遽殫殍悲魂傷留清白

垂篇章刊石銘永億年

蔡邕青衣賦精惠小心處事如飛按東漢戴良作零丁晉

鈕滔母孫氏公孫夫人序贊夫人資三靈之清懿誕華

宗之澄粹行高冰潔操與霜整性揚蘭芳德振玉頰

晉湛方生上貞女解伏見西道縣治下里龍憐年始翊

笄志存匪石之固行無片言之玷憐蓋草萊之婦人耳

目不見尺素之文耳不聞今古之說師心率已蹈茲四

德抑可謂稟靈山岳自然天知者矣

洪适隸釋有貞女羅鳳墓闕

注二

文林郎署蒙自縣知縣尤君墓表

君諱維熊字祖望長洲人也曾祖怡以詩名學者稱北田先生祖巨源增廣生父世楠乾隆乙巳恩進士就職州判舉孝廉方正授六品服行爲國植學爲士楷驩思歎叩萬流翕然君夙湔義方長擅才筆奇章秀句風飛川涌以乾隆乙酉拔貢生授淮安訓導秩滿薦簡發雲南知縣攝宰蒙自地當蠻獠俗竄言龐始惟彝裸所居今則寄莊竝轄其民田客主旣雜姦利叢生乾沒侵牟術取勢脅士著之生計日蹙僑人之隱占難權弱則舍茹強則訐訟君乃躬履鄉落釐定畝區阡陌鱗分戶

注一

一

口秩若經界旣正貪冒不行杜爭一邑溥利百世其士習荒於嬉或暱胥徒其農工商蒞於利多至黜嫚君乃作四民之箴爲月吉之讀鳴梟不鳴桀黜咸化又以民獠靡錯輕起相牙欲以古儀俾之觀感乃舉行鄉飲酒禮肅賓於听禮成於哺揖讓雍穆童髦欽瞻誘掖浸淫囂競衰息君謂人心終古不弊教典終古可行俗吏迂之識者違焉君之官時先德猶在子舍萬里煩腸九迴紆鬱嬰疴移疾邁返歸甫期歲遂丁艱棘黎儀傷瘁益不自聊越五年而君卒時嘉慶十四年四月也年四十九有八君神識通明機悟卓絕詞翰之外兼長幹局婁爲

節府延典箋奏在官無一年鄭阿之譽洽於萬口前內閣學士尹公時方在籍尤亟稱之生平篤倫紀厚交游外若通脫而內守廉隅細行不具書書其大者君始以雅材眇眇馳藻藝林後乃寢繩履程棲貞宅正將以還淳反樸匡俗濟時希賢喆之高獲光貽穀之潛曜天不假年未竟初志恒化之日僅舉詩詞屬爲點定今陳大令鴻壽爲刊於溧陽嗟乎世可見者止此而已予所知者蓋有在也子二培均皆習儒業克承其家既葬矣思琢元石以篆遺德爰爲之文而系以銘曰

注一

二

以爲才士而醅儒以爲能吏而良師牛刀一試天南隅涵停秩積蘊未舒遺書寸裘鏘瓊琚真知者誰吾涕洟洪适隸釋堂邑令費鳳碑黎儀瘁傷涕泣漣漣懷令李超墓志銘棲貞宅正寢繩履程韓愈太原王公神道碑銘秩秩而積涵涵而停

署京口營副將京口左營遊擊吳公墓誌銘

公諱坤字振華姓吳氏其先由常熟遷大倉遂爲吾邑人昔西京番令媿駿烈於韓彭東漢忠侯儷威名於耿賈珠鈴玉帳夙秉宗風劍氣弓聲家傳閩寄公生而軒特長益魁奇武節剛方筋骨秀出參連刻注射法本於天弧方卦圓著營圖原於太乙深識九變妙察六韜校旗而審軍容望塵而知敵數宇文深累石作伍卽解指麾薛世雄畫地爲城便爛攻守拔身隊率入選材官以捕洋盜功補劉河營右哨千總地當海若孽有水僊獨以熊豹之姿采入鯨鯢之窟衝波畫鷁不避銀山沸鼎

注一

一

游魚咸歸鐵網乾隆五十一年臺灣林匪滋事奉檄統卒轉餉軍前擊楫以行破浪而去黃龍青雀海童懾琅鐸之聲赤豹文螭山鬼避星旌之色乃得方舟輓粒泮水蜚芻甲士飽騰針程迅駛以視寇恂河內之輸宣武金鄉之運糶虞旣倍勞績尤殊歸膺保薦擢劉河營守備復以協獲鄰境盜功遷高資營都司攝上海營遊擊令嚴宵肅中天之明月孤懸烽息桴停如練之澄江自曳時兩江制府書公孫公後先秉節角試程材覩白茶丹火之容動細柳長榆之想爰以國爪洊陟高牙嘉慶

元年授京口左營遊擊三權本營副將事彈壓滄瀾綏

救海吳根越角心規成掌上之形火艦風船手畫定  
師中之律班聲殷地秋高而陣肆驅劉巨浸稽天颯怒  
而防嚴緜渚領南徐之雄鎮乘北府之樓航徼巡於鼉  
背鯤身出入於蛟涎蜃氣晉先芽蘖奸靖萑蒲文鯨不  
飛鯤壑之蜺幘影靜腥鱗咸戢魚麗之鳧藻歡多方將  
鉞鉞昭榮形盧褒錫而雅慕冲挹謝拙邱園遂以老疾  
乞休卜居東郭幅巾窮巷有羊公白士之思匹馬郊亭  
無醉尉霸陵之憾綠沈金鑲忘舊日之將軍雪刺霜豪  
作太乎之父老師貞丈人勞謙君子蓋兼之無愧矣公  
勤以練士仁以馭徒耕札精嚴戈鋌犀銳程其寒暑勞

注一

二

逸同其飢渴安危謝尚則躬自分禱鄧訓乃身爲煮藥  
鄂軍家事悉關公綽之懷衛卒更番願報寬僥之德以  
故裨弁偏校騶卒鈴奴雖當釋絨閒居猶復心歌腹詠  
立燕齊之社其憶樂公騰酒脯之謠難忘祖逃生乎敦  
任卹崇樸滄進止搗茶被服儒素婁師德河蘭大帥獨  
傳長者之名馬文淵浪泊豐功恪守善人之戒嘉慶十  
三年月日卒於里舍無疾而終五更鼓角望猶重乎龍  
驤一夢瓊瑰兆駮符乎狸脈何怪乎虞歌引路水犀同  
勞面之哀大樹凋霜櫓馬振驚星之響也哉公生於乾  
隆十年月日年六十有四子二鎬湘孫應桂鎬喜聚書

尤善才譽晉侯軍尉育祁午之佳兒唐代將門得來恒  
之才子陰德昌後其可慰己以嘉慶十八年月日葬於  
石浦之原嗚呼燕領不封穿冢乏祁連之象馬鬣長在  
墮淚看江漢之碑銘曰

右鉞垂莖天鋒示緯世有干城精符匡衛南沙挺英中  
涓拔萃飲羽鳴絃絕塵躡轡風后鳥雲軒皇鵬幟六術  
五權參微洞祕攤鐸拱稽戈船下瀨易威以慈寓寬於  
厲挾纊拊戎投醪治惠望燾如歸瞻麾樂隸瀛島霾激  
雲帆粳饋上賞弗邀恬衷自貴耀冕辭蟬緘裳愛芟竹  
隲支笏田翁把臂山情方曠壑舟遽逝舊部泗咷連屯

注二

三

賈涕武達文通昌其賢嗣韜韋之倫視此幽隧

漢書吳芮傳秦

時番陽令也甚得江湖間民心號曰番君

後漢書吳芮傳秦

漢傳賜諡曰忠侯

李商隱謝尚書范陽公啟

聲割韓彭之右地

陳書高帝紀深識九變妙察五色

以寡制眾所向風偃

五代史唐臣傳周德威能望塵

以知敵數

周書宇文深傳年數歲便累石爲營伍并

折草作旌旗父承見之曰於後必爲名將

隋書薛世

雄傳爲兒童時遊戲輒畫地爲城郭令諸兒爲攻守之

勢

齊書徐孝嗣傳論凌風泮水轉漕艱長

寇恂傳拜河內太守時軍食急乏恂以輦車驅駕轉輸

前後不絕

晉書桓溫傳溫北伐進次金鄉時水道不

通乃鑿鉅野三百餘里以通舟運

秋武官肆兵斬牲之禮名曰貍劉

後漢書禮儀志立

傳

布帳尙摺之以爲軍士襦袴

後漢書鄧訓傳注東觀

記曰吏人病瘧訓身爲煮湯藥咸得平愈

舊唐書柳

公綽傳鄂軍旣在行營公綽時令左右省問其家行卒

相感曰中丞爲我輩知家事何以報效故鄂人戰每克

捷

漢書蓋寬饒傳初拜司馬躬案行士卒廬室視其

飲食居處有疾病者身自臨問歲盡交代衛卒數千皆願留共更一年以報寬饒厚德晉書祖逖傳爲豫州刺史百姓歌曰三辰旣朗遇慈父元酒忘勞甘瓠脯何以詠恩歌且舞狸貲見左成十七年傳祁午見左襄三年傳唐書來濟傳父本驍將而恆濟俱以學行稱鷓冠子天則篇前張後極左角右鉞史記天官書環之匡衛十二星藩臣皆曰紫宮荀子議兵篇制號施令欲嚴以威慶賞刑罰欲必以信處舍收藏欲周以固徙舉進退欲安以重欲疾以速窺敵觀變欲潛以深欲伍以參遇敵決戰必道吾所明無道吾所疑夫是之謂六術無欲將而惡廢無急勝而亡敗無威內而輕外無見其利而不顧其害凡慮事欲熟而用財欲泰夫是之謂五權

注二

四

國子監生吳君墓誌銘

君姓吳氏諱鏞字穎叔吳江人也秀氣孤凜馨逸夙成當聖童之年茹風木之痛銜索抱疚從燔含悲沫泣憤心馳芬至性長益脩飭動無譴瑕衛叔寶之神清荀慈明之外朗不攘六鑿寡欲五綦屏居小樓坐擁圖史博昌六著之經厭譚竹究宏景三層之閣但聽松風雅好蕪花遂爛寫貌步趨熙筌調冶鉛黛沒骨著紙穠春滿堂口不言金錢手不捉珠貝惟於壁友珍等連城高似孫之所箋洪景伯之遺譜露霄旭旦諦玩摩挲月窟潤通元雲黜而下布玉池泉溢涵星粲以相輝於時刷滌

注一

一

几格剪無纖埃澡淪襟情湛若止水蓮衣蘭佩章篋爲逍遙之公琪草金徽周朗在羲軒之世百味無嗜獨耽酪奴燴盞候湯妙具神解曲室晝謚閒庭景妍沈沈霞腳展北院之一旗習習清風生玉川之兩腋素韻高寄希蹤勝流由其胚孕潔蠲唾斥腥腐濯笠澤之波明琅作質得天隨之性芝畹爲家仲宣體羸威明奄化神聰蟻鬪咎徵鵬飛嘉慶十七年月日以疾遽卒年二十有一君娶於沈時方有身君兄雲璫悼息沒之速極鵠原之哀於是祝南孺子之男卜鄭小同之長旣以自藏宋研納棺以殉復徵銘誄儲示遺孤挂延陵壠上之劍類

彼高懷碎子敬靈牀之琴同其咽塞既而繡綳裹玉珍珠帖纓弱女慰情鬢笄待誨是又小年織素未詠於左思異日荆若有煩於庾袞矣古者高士之傳不必擅雅材獨行之史不皆著奇節卽其標格風尙足可矯俗勵頑况乎讓瘦推肥分枝圻翼生共姜肱之破歿慟僧謙之靈友弟行敦天倫宣範稱非無美銘法奚乖辭曰高齒長檐綺襦紈袴少年之場踞弛豈駕君乃持躬譚祛囂謝邃氣汪容紉芳佩騁蹴踔格五挾彈攜壺佚遊之藪烏集鱗趨君乃守寂縹緗茗鑪腴研道味靜協禪癯泊如清操凝然元旨才薄佻華風懲俶詭電爍曇凋

注一

霜摧綠委玉樹可埋幽光永煒

葛洪西京雜記詩博昌安陵人善陸博法用六

箸或謂之究以竹爲之長六分或實二箸博昌又作大博經一篇陶穀清異錄余家世寶一硯形正圓背陰有字曰壁友按洪适有硯譜高似孫有硯箋何蘆

春渚絕聞林叔睿所藏端石下有鄭魁銘曰潤應通月窟洗合就雲溪張世南游宦紀聞胡堂長伯量記度

常卿涵星硯云汲泉滿池粲粲相輝半月止墨元雲獸

鬚而下楊銜之洛陽伽藍記彭城王曰爲卿設那茗之食亦有酪奴因此復號茗飲爲酪奴蔡襄茶錄凡

欲點茶先須摘盞令熱候湯最難曹鄴故人寄茶詩碧沈霞脚碎香泛乳花輕盧仝飲茶詩但覺兩腋習

習清風生熊蕃北苑茶錄次曰揀牙乃一牙帶一葉者號一槍一旗南孺子見在哀三年傳唐張諤岐

王宅詩玉女貴妃生髮妮始發聲金盤浴未了綳子繡初成翡翠雕芳褥眞珠帖小纓何時學健步鬪取落花

輕陶潛詩弱女雖非男慰情良勝無左思嬌女詩小字爲纖素口齒自清歷晉書庾袞傳孤兒女曰芳將嫁袞乃刈荆若爲箕帚命芳曰汝將事舅姑洒掃庭內婦人道也故賜汝非器之爲美欲使汝溫恭朝夕

後漢書趙孝傳弟禮爲餓賊所得孝卽詣賊  
曰禮久餓羸瘦不如孝肥飽賊大驚並放之

注二

三

亡妻蕙君蔣氏埋銘

亡妻蔣氏字蕙君長洲人故康熙癸巳進士廉州府知府諱杲之孫乾隆乙丑進士兵部右侍郎入祀鄉賢諱元益之季女年二十歸於予事先考甯武公蘭階府君先妣孀人滑氏蔡氏婉愉祇奉咸皆慰怡繼而洊丁閔凶兄嫠祖謝弱弟兆蕙庶母洪生洪又早逝子故產盡斥傭書客遊亡妻黽勉有無規畫鉅細撫叔如子壺儀秩然頗嫻詩書而吟咏不事謹節絲粟而臆臘必豐僕媼雖忤意無惡言樵蘇雖婁空無慙色安約姑勞心力瘳瘳時嬰疾疴於就沈頓以嘉慶二十年九月廿三日

注一

一

終於里舍年四十有七賦性明達綜理密緻皮物庀事悉有常度鉛黛不御敝衣數紉視淨俗榮利泊如也蓋其先世累以清節偉望矜式中外亡妻孀染遺訓識近上流雖生高門不異蓬戶予卅年來胥疏江湖矜慎一介貧不隕穫賤無怨尤實賴亡妻是相是輔嗟乎嗟乎而今已矣卒之明年十二月十一日爲卜葬於先塋之右街酸溝豪銘其埋曰

人聞累先我釋地下親先我卽百歲後應同穴刊尺輒承奕室

凡字蕙君是則人姑親烈矣曰並士親

亡妻蕙君埋銘

河南懷慶府黃沁通判畢君墓表

君諱繼曾字承業又字研山前候補員外郎瀧之仲子  
前太子少保兩湖總督沅之從子也資華崢門挺涪髫  
幼魯叔陵之經術扶疏于家庭王子淵之文詞卓越乎  
黼黻年十七補縣庠生乾隆四十二年選拔貢生充四  
庫館校錄鳳出丹穴將騰集梧之輝駒驥砥衢定騁籛  
雲之足文與命迂屢見淹沈遂謝承明之廬屈就上綱  
之任歷官河南山東州同通判房恭懿之能官美聲于  
毗贊朱伯厚之疾惡懾魄乎姦猖在懷慶時沁河異漲  
君集夫冒雨竭五晝夜力芟隄得完黃沁向設運料人

注一

一

車吏索民累君爲裁減宿弊以除王尊當流犯難陽侯  
爲之歛威劉頌息役利農綱領成於久任卒以積勤致  
嬰疾疴嘉慶十五年二月五日終於濟甯行館年五十  
有四溪源櫛沐之勞齊勤于臺僕威明殂化之痛淒極  
于親疎天長景促吁可悲已君孝友肫篤內行盡倫始  
以績學瑋詞冀紹前業終乃摧伏顛頓僅就中銓亭伯  
文章位終邑宰公明才藝仕止郡丞古人所嗟君同之  
矣配劉氏子五人毓珍韞珍楚珍儒珍家珍以嘉慶二  
十一年三月五日卜葬于州境潢涇之原毓珍等既乞  
其從父憲曾爲文志墓復屬子表其阡予與君孔李之

交誼敦于卯角京兆之試同歎于曝鰓追憶平生宛然  
心目宿草車過流涕黃公之墟西鄰日斜聲愴山陽之

笛輒復書石延垂後賢

後漢書魯丕傳關東號之曰五  
經復興魯叔陵 隋書房恭懿

傳詔曰出宰百里毗贊二藩善政能官標映倫伍

晉

書劉頌傳凡政欲靜靜在息役息役在無爲倉廩欲實  
實在利農利農在乎糴爲政欲著信著信在簡賢簡賢  
在官久 舊唐書職官志注尚書爲尚書銓侍郎二人  
分爲中銓東銓也 席豫高都公楊府君碑  
銘漢之崔駰官終邑宰魏之管輅位止府丞

注二

二

祭亡妹文

維嘉慶二十有一年七月二十三日期兄兆蓀以清酌之奠祭於亡妹湘蘅之靈嗟乎吾妹汝竟長往斷手折足無逾此哀汝素羸病屢危而安今茲綿頓猶冀全活冥茫眞宰遽降斯酷吾門凋單連喪兄姊同母惟汝又棄我去獨存奚樂觸懷皆傷汝七齡時隨父官舍夙秉神慧識悟超絕綺襦釵鐏閨閣所翫視如土苴獨耽詩書旁擅繪事其於文字流別古人性情妙解默契有過於吾訓遵無儀深自韜匿長歸於沈門穹族大汝能承順譽孚親疏旣而衰落餐茹荼蓼人所不堪何況非

注一

習而汝怡然黽勉無懟相夫最子俾忘其貧名列舉選聲問光著一門熙熙在約而泰支拄艱阨功歸汝身心謂淑德宜膺昌延何天不祐奪汝之速嗚呼理數究何可憑我父我母愛尤汝鍾孝亦汝摯懿質嫻行足光我家九原先靈今見當慰我丁孤露與汝同苦胥疏奔走謹而獲存比十餘年未得迓汝汝每思歸言輒於邑追思痛疚但呼負負汝嫂之亡汝哭甚哀我恐汝病轉相慰諭豈期汝喪纔距十月家有季弟長未見汝書來極悲矧在於我我生不辰憂患叢集年垂始衰積若老髦未知於世復得幾時旣已哭汝行復自念我無似續烝

然孤危汝雖先逝門業有賴冥途思我必還累歎汝病  
方劇我客大府出入之限畧等關圍省視湯藥祇得數  
面咫尺間阻未視彌留聞耗馳慟亦復何及汝逝之夕  
節樓鼓嚴戒聞留鑰哭汝而返展轉夜闌魂入我夢仿  
佛言別覺而滂沱稠人眾中強勉酬答空齋靜念淚曷  
能制茲距汝歿廿有八日雪涕致莫悲不成文九地九  
天汝於何所靈當來歆鑒我酸惻

李商隱祭徐氏姊文  
斷手折足厥痛非擬

注二

二

袁卿遺草跋

文學畢君楚有吾友季瑜孝廉之次君松心孝廉之仲弟也劉畧班藝博綜於觴辰夕桀重差旁研乎綴術咸謂騏驥致遠爾憤負重而童烏之元方與赤虯之版遠來遺詩叢殘得諸故篋瓌詭惠巧折裂騷牢片羽碎金無慙作者季瑜悲深夷甫慟過陽元手其寸編授子論定竊以蘭芽芷茁風雨奄其摧殘夏綠春紅霜雹於焉凋碎由來夙悟多渺遐齡觀其悵迷情朗麗哀志歌離弔夢海思雲愁固已芥視浮生蟬蛻穢濁蓋長沙賦鵬早知合散之因子晉吹笙別就真靈之業矣夫心在

注二

一

影徂幽冥弗隔彼瑠瓊夜月青箱臺城之詩綺輅魚車少霞新宮之碣次君慧業殆其等倫人間可哀天上差樂卽茲賸馥足證仙心聊假齊諧之談以釋倉舒之痛可乎哉

沈括夢溪筆談求星辰之行步氣朔消長謂之綴術非齊祖固有綴術二卷 張讀宣室志進士陸喬夜見一丈夫曰我沈約也呼左右曰往召青箱來曰此吾愛子少聰明因誦其過臺城詩曰夜月琉璃永春風卯色天 魏志鄧哀王冲傳字蒼舒年十三疾病太祖親爲請命及亡哀甚

孫古雲四十初度序

夫鑿坏負釜詭激戾乎經兼朱重紫熱烈乖乎道惟夫  
得天元純囊括道器薜裘一致浮雲無心進則豐貂高  
蟬仰齒圭組退則翔鴻蟄螻卷跡氛囂瓔環不羈巾褐  
無悶是則韞韞恬漠趣近懸解可以得薪保耀識真全  
年者矣古雲襲伯方瑜有光圓璧無類以乎津之胄紹  
景風之封當其頡頏金張焜熿帶礪小侯捧手大橫佩  
刀甘泉長楊俠侍乎六朝期門羽林並馳於四校雲搏  
水擊葉矯風憑宜春陰安之號儷其華資長羅射陽之  
褒方茲尊遂及乎收響解錄緒宇依林迹塵鼎鐘思在

注一

一

邱壑襲赤芾以蘿裳易朱輪以下澤穰秕顯路雪滌素  
稔稱甘茂之名孫爲封人之將母白華朱萼潔膳馨蘭  
儒宗元侶僑朋結轍物飽其義世無間言暇乃託意細  
軸寄情豪翰詩書以養恬岩岫以復樸暢達情性節宣  
慘舒所謂匪祿而康匪爵而榮風力方邵之任讓諸俊  
雄疏班邴魏之規希嫩往籍甘芻豐秣不以繫其逸鏹  
跡隱矐無足汨其和油然順時內外偕化得其環中以  
應無窮昧者曠躁者靜味道頤履澄懷寶氣不將不迎  
容養淳淑因以爲櫻甯因以爲純常啟期林類未足相  
偶老商伯高豈遠人哉四十盛年九秋元月降辭之辰

莫芬鞠辭庭怡聖善戶集羣雅君其引觴子贈言者呂氏

春秋介立篇文公曰有得介子推者爵上卿或遇之山中負釜蓋葢 梁肅梁高士褐君得天元純誕其生知囊括道妙而遊于世 李華盧郎中齋居記甘芻豐秣羈繫駿驥首冠鍍錫身被瓔璫方盛也騁於康衢及其殆也困於鞭策 晉書孫登傳故用光在乎得薪所以保其躍用才在乎識真所以全其年 後漢書和帝紀大鴻臚求近親宜為嗣者須景風紹封日章厥功注春秋考異郵夏至四十五日景風至則封其有功也 後漢書馬防傳子鉅為常從小侯注呂小侯故得常從舊唐書王及善傳除右千牛衛將軍高宗謂曰卿佩大橫刀在朕側知此官貴否 漢書樊儵傳注宏封長羅侯弟丹射陽侯



小謨觴館文續集注卷二終

小謨觴館詩文集注跋

婁東彭甘亭徵士篤學工文詞閱博奧衍其所著小謨  
觴館詩文集久爲海內所膾炙通人碩士胥無異辭顧  
其隸事屬偶既富且僻弁淺學子有未易津逮者徵士  
嘗假館下齋不鄙微陋時許請益而從弟元培兒子長  
熙復于昕夕捧襪承教啟迪之際所得滋多綴輯編摩  
浸以成裘此于徵士文辭誠不足爲輕重顧予私心勿  
獲自己吾友顧君澗贊于徵士爲執友逝者之感弗忘  
于懷允爲勘謬正訛兼敘其事茲特紀其刊梓所自始  
云道光五年歲在乙酉立秋後三日遂初居士孫均記

跋

一

